

第一冊

卷一

序文

修書姓氏

諸圖

總目

甯陽續志

民國二十

民國二十年一月補刊

甯甯陽續志

本衙藏版

續修甯陽縣志序

今

天子繼統之四年不佞承乏甯陽屢更寒燠矣所幸年穀順成閭閻靖謐余旣喜茲邑士民風俗之醇而士民亦安余之拙日者有鄉士大夫若而人造庭合詞而言曰縣之有志所以存文獻詳沿革昭法戒也甯邑舊志初修於康熙再三修於乾隆迨咸豐初邑侯清苑陳公復延請里居紳儒黃石琴中丞糾集同志博稽旁諏增修爲二十四卷彰彰乎明備已會遭庚申之變板存縣署並

燬於火迄今閱三十年故牘漸湮新事莫紀每一議及  
悼心失圖今將修廢舉墜繫惟明府是賴敢以爲請余  
維庚申而後固甯陽由否而泰之一會也城破而復完  
民散而重聚其間青犢東奔環闐呼噪者凡數至官若  
民屢以固守卻之而三鄉聯團築堡家自爲衛俾無所  
掠而他遁則堅壁清野之效可觀也至若毅夫烈婦或  
臨敵捐生或罵賊殉節均已渥叨

旌卹俎豆千秋

殊恩曠典跨越百代扶持世教規摹閔遠尤不可不亟登於

册間有寒微仄陋奇節未彰更不可任其湮沒况此三十年間豈無先生長者碩德卓行昔尙存而今已故實既至而名當顯者乎縣志之修又烏可緩哉是余責也用是允鄉士大夫之請仍謀諸石琴中丞以桑梓文獻所關慨然許爲秉筆而同事諸君子相與分司纂錄其底於成凡四閱月而脫藁將付手民爰以詹言弁諸簡端後之覽者或亦有取焉爾

欽加同知銜 賞戴花翎知甯陽縣事加七級紀錄十次翼城高陞榮譔



增修甯陽縣志序

今

天子御極之八年余由博山量移甯陽入境以來見夫時和  
歲稔物產豐饒士尙絃歌農知力穡子弟鮮紈綺之習  
父老崇節儉之風質樸敦龐尤爲近古心焉喜之受事  
之後黽勉趨公凡地方所當興舉者若汶隄若官廨若  
書院若社倉諸端皆次第經理底於有成更念夫志乘  
一書爲一邑文獻攸關攷治忽昭法戒詎可視爲緩圖  
乎竊考甯陽舊志初修於康熙壬子再修於乾隆癸亥

閱百有餘年遺文故牒漸就蕪沒迨至咸豐初元邑侯  
清苑陳公復延在籍黃石琴中丞重加纂輯乃以庚申  
之變板燬於火光緒己卯翼城高公來宰斯邑又爲重  
修主筆削者仍屬石琴中丞討論於灰燼之餘摺拾於  
散亡之後爬羅搜則薈萃成編自疆域星野山川官師  
建置秩祀里社田賦學校選舉各門以及昔賢往哲舊  
德軼聞罔弗備載并逮夫兵燹所經毅夫烈婦畸人傑  
士或臨難捐軀或禦賊殉節亦復詳覈事實列諸簡冊  
洵足信今而傳後矣距今爲時未久志乘之作似疑可



稍緩者惟是在苒流光行將十稔政治之興革風俗之轉移月異而歲不同不爲及時搜討聽其滯漫無稽亦守土者之責也爰於案牘餘暇隨時攷證每與都人士相接見博采周諮不遺鉅纖迺於前志各門按其體例輒有續增又得邑紳黃筱岑觀察總其事周樸園教習甯笠生學博諸君子亦樂從而參訂之至一切設局授梓仍歸甯銘四大令一手經理閱數月而成書上繼前聞下示來許胥於是在焉夫甯陽蕞爾區也毗連東魯壤地相接春秋爲孟氏邑先賢高子蒞治所也兩漢以

降經師大儒彬彬輩出餘韻流風迄今未絕余承之斯  
土六載於茲矣古今掌故猶能舉其厓略是編之成蓋  
將以表勸懲之義興繼述之思詎惟是炫眩博資觀覽  
已哉時光緒丁亥四月孟夏之吉

候補同知直隸州 賞戴花翎甯陽縣知縣隨帶加三  
級紀錄十次大興陳文顯撰

# 初修原序

士君子雖極淹博必厯相山川以考其風土之殊物產之異事蹟之煩凡以辨物宜廣聞見斷真淫證得失也矧身宰一邑而不能取境內山川人物風俗事蹟之盛宏爲論說抑陋甚矣余筮仕得甯城古兗州隸邑也舊固有志特以兵火相繼散佚莫稽耳曩余爲小引徵之日久未獲今於搢紳老成得其舊本已屬斷簡殘編未經修輯者幾七十載矣夫邑有志國有史其義一也國不可無史邑可以無志乎唐虞以前無論已禹平水土

而作禹貢則壤錯繡爲一書山川物產良可稽也禹貢  
有未載者見伯益之山海經或曰山海經僞書也而卒  
不泯其傳亦以存疑爾周禮職方氏掌廣輪之數而辨  
其土物之宜邦國之志小史掌之四方之志外史掌之  
迨春秋時倚相左史楚實寶焉漢唐宋以來文日以益  
志日以繁有圖經有地輿考有一統志郡縣之各有志  
至此爲盛矣茲逢

聖主當陽文事聿興

勅天下郡邑各修志書甚鉅典也因諮薦紳先生名儒耆老

可當文獻者廣搜事實拓舊本而續補近習分爲八帙  
畫疆分土象魏所自達也故首方域立國樹屏名物所  
自啟也故次建置忠厚慈惠民戴其長作賦定式國受  
其經故次職官賦役彈冠之慶大業斯集俎豆之設受  
福不那淑氣之鍾光映星辰故次選舉秩祀人物而文  
章亦經國鴻猷不朽盛事也故次藝文終焉哀集方言  
詳核隱德將六十餘年以後之事欲志未能志者一皆  
登諸簡冊以付梓人而甯邑於是有志矣如太史採風  
而問俗焉余得持此編從容以獻康熙歲次壬子小春

之吉

賜進士第文林郎知甯陽縣事晉西河劉興漢題於公署內

省堂中

### 三修原序

甯邑無高山大川足供騷人逸士之遊覽汶水雖繞北境僅與他邑界巖巖之岱宗又若遠若近矣而其士民又多敦厚樸魯凡夫智謀侷儻畸異之士樹奇勛垂偉績者不少概見至於疆域城池建置賦役等事前邑令劉君誌之後李君又誌之

李志未見距今僅四十餘年則今日志乘之作疑若可稍緩者雖然非常之事轟烈天壤易以傳世行遠若擇地而蹈敦倫飭紀不求表暴而實足以維風善俗其事其人無可炫人耳目不急爲揚厲

而闡明之閱數傳湮矣東魯爲至聖挺秀之地甯卽孟氏之成邑先賢高子所莅治也流風遺澤迄今未絕士人類皆潔身自好不樂與官吏交其小民亦土物是愛鮮華靡巧利之習又值

聖朝累洽重熙數十年來士之修身砥行足爲矜式與夫閭里之孝子悌弟義夫節婦所在多有此豈非有心世道者所當急求者哉况夫衆務之沿革月異而歲不同科第聯翩較往時而愈盛亦不可聽其遺逸也余不佞承乏茲土以樸實爲治毋敢沽名釣異四載於茲時和年



豐余旣喜其風俗之淳而吏民亦安余之拙簿書餘暇  
爰取舊志而校讐之缺者補繁者芟壬午以後其芳徽  
懿行可以振頽風者搜羅罔使或沒外此宏綱細目隨  
時損益悉補訂詳明適邑中紳士某某樂道人善廣爲  
考輯相與襄厥成功不踰歲而告竣焉於其付之梓也  
爰弁數言以見是書之成兼以爲廉頑立懦計非徒博  
物洽聞識甯陽典故已也時乾隆八年孟秋之吉

賜進士出身甯陽縣知縣吳興李夢雷撰

按李公此序有前令劉君志之李君又志之二語是  
劉志之後先有一李志無疑但序文內不載李君之  
名查所開凡例第一條云甯陽志邑人相傳有舊志  
新志舊志散佚無存僅獲新志一編乃康熙四十一  
年邑令新安李公重加修輯云云按李公名溫皋其  
在任正當康熙四十年前後若四十一年癸未上距  
劉公修志時十一年壬子中間甫閱三十年編纂可  
謂勤矣但劉公舊志至今尚有存者而四十一年之  
李志轉無從尋覓不知乾隆八年修志時何以轉云  
舊志散佚無存或當時偶失訪求邪又彼時既未見  
劉志而所開凡例諸條與劉志宛出一手不同者寥  
寥數語耳或康熙四十一年之李志全襲劉志舊文  
而此次修志不知其所由來歟

# 前志原序

志地之書權輿於禹貢職方標準於兩漢之地理郡國志至唐括地志而大備顧未有專志一邑之地者邑之有志蓋肇自唐以後至今傳者有宋高似孫刻錄常棠澌水志此外概不多見歷元迄明於是邑各有志不惟志其地并志其事與人又於其間爲表爲傳蓋幾幾乎具國史之體而微矣甯陽舊志明以前無可考元縣尹韓珪曾著歷代沿革記其時固未嘗有志也萬歷初知縣李貞始就邑人進士王正容稿本訂正授梓是爲縣

志之始中閱十餘年知縣徐汝冀復加編輯末季燬於兵燹書俱不存我

朝文治昌隆憲章明備康熙壬子

特詔天下郡邑各修志乘以儲外史之藏時則前令劉君興漢

蒐羅於煨燼之餘摭摭於散亡之後悉心哀錄始復成

書迨乾隆癸亥又經前令李君夢雷重修一次文省事

增規撫略具自時厥後迄今又閱一百餘年人事遞遷

日新月異遺文故牒漸就蕪沒歷任諸君子大都有志

重修逡巡未果不佞於道光丙午承乏是邑檢閱劉李

二志微嫌闕略且新事可錄者實繁每與周星巖劉蓬  
山兩孝廉謀爲採訪編次會黃石琴中丞乞養東歸語  
次慨然以纂修爲己任於是鳩集邑中碩士宿儒徵文  
考獻博諮羣誼自疆域星野山川建置秩祀田賦學校  
選舉諸大端以及宦績人物靡不釐分門目討論故實  
補舊志之缺遺拓新事之厓略大抵根柢乎歷代正史  
及

國朝官書參以碑版文字故老傳聞爬羅剔抉務歸詳審  
經始於道光三十年正月蒞事於咸豐元年五月凡歷

寶陽集卷之六十一  
五百餘日而成書析爲二十四卷將付剞劂乃以僂言  
弁諸簡端夫志乘之修詎惟是騁奇驚博侈耳目之觀  
哉蓋將以溯古今之沿革政教之得失風俗之涓滴人  
才之盛衰而因以見我

國家重熙累洽二百年來深恩厚澤如此其優且渥也甯  
山百里間在昔沐周公之化近孔子之居彬彬郁郁儒  
風茂美二漢以降一碎於南北之割裂再糜於金元之  
摧殘子遺孱黎不絕如縷明雖漸復故疆而中葉政煩  
賦重井里索然田賦舊額可覆按也我

朝野咸賦輕徭崇儒重道民安耕鑿士樂誦述熙熙淳風  
越百代生斯世者可毋服先時食舊德束修琢磨勉爲  
盛世之良士良民哉有司牧之責者又安可不兢兢焉仰

體

聖天子愛士愛民之心以養以教益廣

朝廷德意以求無瘝厥官哉且夫前事不忘後事之師也

今試發函振冊舉凡二千年來之循吏鉅儒名臣碩士

孝子貞媛靡不森然在目若導於前高山景行之思有

不油然而生者乎則是書之作又烏可緩歟至宗指體

裁具載凡例訂譌正謬散見各條其編次先後之故備  
詳中丞後序中茲不更書

賜進士出身文林郎知甯陽縣事加三級紀錄五次清苑陳

紀勛讚



續修甯陽縣志姓氏

承修

同知銜 賞戴花翎甯陽縣知縣

高陞榮

協修

儒學 教諭

莊玉珮

五品銜 儒學訓導

孔繼虞

總纂

起用同知前兵部侍郎都察院右副都御史廣東巡撫

黃恩彤

分纂

同知銜沂水縣訓導壬戌併辛酉科舉人

周涉桐

五品銜臨朐縣訓導壬子科舉人

劉潤沂

承辦

五品銜河南候補縣丞升用知縣

甯復箴

總校

候選訓導廩貢生

甯炳綸

六品銜候選訓導廩貢生

劉崇勛

五品銜候選訓導廩貢生

甯錫鐘

監

生

袁佺齡

長山人

分校

附

貢

生

黃福田

廩

膳

生

員

劉詔武

增

廣

生

員

甯維翰

採訪

歲

貢

生

劉肇烈

候

選

訓

導

附

貢

生

劉廷韓

廩

膳

生

員

周洪棚

劉儒鑛

王朝昇

曹伯恩

吳一峯

張第元

黃開田

儒

學

生

員

張慶我

繕錄

儒

學

生

員

龔秉琦

張鴻磐

甯祥理

儒

童

黃繼禧

李位田  
泰安人

監刻

五品銜甯陽縣主簿

陳承德

甯陽縣典史

周忠清



初修姓氏

督修

分巡東兗道 李煊

兗州府知府 蔡廷輔

運河同知 李得貴

糧捕通判 施號

重編

甯陽縣知縣 劉興漢

校閱

縣

丞

康時鼐

儒

學

訓

導

張藩

原

任

吳

江

縣

知

縣

邵士梅

濟甯人

原

任

新

安

縣

知

縣

程憲文

監刻

典

史

蘇世倫

採輯

廩

膳

生

員

程待聘



右初修姓氏均按劉志原本查乾隆八年續志所列  
上屆修志姓氏除以上諸人外尙有本縣知縣陳學  
夔縣丞余方教諭楊維庚訓導李寬典史嚴旦共五  
人與劉志原本互異按學夔抵任在康熙二十四年  
方維庚抵任俱在二十一年寬抵任在十九年旦抵  
任在十七年俱在十一年後何能與劉公同修縣志  
乎若謂諸人俱係於四十一年借李公溫皋修志者  
故續志牽連竝書而失於限斷但考余方距四十一  
年中更董漢賈朱廷宛兩任楊維庚距四十一年中  
更戚士琦一任李寬距四十一年中更胡士泐劉士  
俊兩任嚴旦距四十一年中更劉泐模蔣謙兩任均  
不及與溫皋共事且何以溫皋反不得書此則輾轉  
求之而不得其解者已



三修姓氏

編輯

甯陽

縣

知

縣

李夢雷

考定

儒

學

教

諭

秦

恕

訓

導

劉

深

纂稿

己酉

科

科

舉

人

石興鳳

壬子

科

科

舉

人

劉應薦

校閱

戊午科舉人

周祚顯

乙卯科拔貢

甯鰲

優貢

甯裕煌

廩監生候選州吏目

周祚長

採輯

周宗仁

生員

朱幾

監生

苑修忻

增

廣

生

員

吳方昇

監刻

監

生

周衍宗

生

員

苑嵐

吳方澎

承書

王瑞生  
張俊公



前志姓氏

承修

甯陽縣知縣

陳紀勛

總纂

起用同知前兵部侍郎都察院右副都御史廣東巡撫

黃恩彤

分纂

丁酉科舉人揀選知縣

劉偉瞻

庚子科舉人試用訓導

周遠昌

儒學生員

吳瀛洲

總校

乙酉科拔貢候選教諭

甯葆惺

丁酉科拔貢候選直隸州州判

劉登翰

分校

都庠生員

甯天墀

儒學生員

周滂松

採訪

甯恩綬

歲貢生候選訓導

張文亭



張鳴琮

趙湘

廩

膳

生

員

甯傳敦

任憲琦

壬

子

科

舉

人

黃寶書

增

廣

生

員

劉枋馨

齊建讓

儒

學

生

員

劉淑隨

劉添齡

繕錄

增

廣

生

員

侯清元

黃丕智

童

生

劉枋根

黃懷秀

諸圖 并說

古者左圖右史圖與史相考鏡者也周禮大司徒以天下土地之圖周知其廣輪之數則地之有圖由來尙已今依舊志列疆域境至圖第一城池廨宇圖第二文廟圖第三粵稽前明天順之初鳳鳴雲山具載昔牒至今父老傳爲盛美我

朝雍正十二年鶴麓降麟巡撫岳公濬繪圖陳奏石刻猶存此尤

盛世嘉瑞當紀載以垂示無窮舊志闕焉未備今補列鳴

鳳圖第四祥麟圖第五至邑之有八景固扶輿神秀所  
鍾磅礴鬱積煥爲瑰觀與人文相映發者也舊圖以萬  
禩古槐爲首虯枝歧柏次之又次則激水轟雷又次則  
杏嶺丹霏又次則湯沸珠璣又次則蟠龍玉洞又次則  
雲山煙雨又次則禹碑虹渚其先後之序大抵積久相  
沿不知所自始但樹木爲山川之所孕毓旣不宜以子  
先母且一木之奇與名巖靈泉顯有大小之異至轟雷  
乃澗潦之陡發珠璣實涓滴之細流而杏嶺又告山支  
麓安能駕蟠龍第一峯而上之斯亦亟應釐正之一端

也今定爲雲山煙雨第一以其膏澤生民不徒聳一時  
之瞻視也蟠龍玉洞第二以其巖壑深秀洵足爲羣山  
之弁冕也杏嶺丹霏第三激水轟雷第四湯沸珠璣第  
五萬禩古槐第六虬枝歧柏第七禹碑虹渚第八并依  
舊圖繪列如左

疆域境至圖

說詳疆域

鳳屏山

靈山

孝仙山

東至泗水縣界九十里

大汶口

三娘廟河口

太平集

三台

南義集

龍魚泉

龍港泉

義姑廟

二龍山

九頂山

鳳凰山

虎尾山

淨山

彩山

告山

杏山

陪山

馬山

陳家店


張家泉

金馬莊泉

半城


金城

金山羊







城池廨宇圖  
詳說建置







縣署圖



新縣署圖

樓堂

堂四

堂三  
門宅

堂大

署史典

署簿主

門義


門大

照壁


新縣署圖

新縣署圖


新縣署圖



文廟圖



書院圖



鳴鳳圖

說見山川  
詩見藝文






鳳凰

卷之二 圖

三





祥麟圖


說見山川表賦  
詩并見藝文






雲山煙雨圖

說見山川  
詩見藝文




蟠龍玉洞圖

說詳山川  
詩見藝文







杏嶺丹霏圖  
說詳山川  
詩見藝文







激水轟雷圖


說見寺觀  
詩見藝文



湯沸珠璣圖

說見山川  
詩見藝文





萬禩古槐圖

說見寺觀  
詩見藝文






蚘枝歧柏圖

說見祠宇  
詩見藝文






禹碑虹渚圖  
說見祠宇  
詩見藝文







松之木也

松之木也

四十一

諸國終

前志凡例

計二十條

一是編於劉李二志原文實已芟除殆盡間有節取舊說者於劉志則曰前志於李志則曰舊志

一舊志有情節舛誤必應糾正者均細注各條下其字句小節逐加更改不復注明

一舊志於古今制度及人物宦績遺漏甚多今就所及見者悉爲補入不復一一詳注其汎官錄藩封表之類全門俱係補出者則分注各條下

一縣志雖一邑之書而卽小可以見大其間有關典制

古今異宜者統核歷代史冊詳加考定至一切地名官名人名悉據實直書用資傳信

一志疆域應以

皇朝版圖爲準歷代沿革附之秩官亦同此例

一縣志爲紀地之書故沿革之考特詳但地志諸書往往牽引附會聚訟莫決今彙核古先成說參以山川形勢務取其鑿然可據者方敢著之於冊至古書偶有舛誤必爲詳悉辨明雖以前漢書水經注路史文獻通考之鴻編亦不敢雷同附和

一劉志於秩官選舉皆立表但編年未得其法故眉目殊不明晰李志失於糾正乃盡變體裁概以計簿之例書之殊未妥善今以秩官及歷代秩官薦辟科目仍依前志例分列各表而標識年分於眉端庶便覽閱其進士之某榜某甲及名次若干均按太學題名碑一一補注併增入疆域沿革藩封孟氏世系前明監司諸表其未便立表者爲錄以別之

一山川並關形勝而河道通塞繫於民生尤切前二志略而弗詳今通爲查明源委臚舉於冊庶留心地方

卷之二  
者一覽可悉

一汶水隄工累經修築乃地方利弊之大者前二志雖立閘堰一門而殊未詳悉今將新舊各案悉爲登載並論著其得失之由

一舊志田賦失於鈎稽臚列新舊各款牽混尤甚今悉按現行則例改正畫一

一前二志學校一門羌無故實今詳加考證庶後生鑒古察今有所觀感

一劉志宦績傳分系各表之後本於史例未合李志移

併職官志中遂致志傳不分今依省府各志例補立  
宦績專門列諸人物傳前

一舊志記載鄉賢無多而區分十門內如風節師範義  
士各門均歷史所未見且婦女統歸人物並不另立

專門尤乖體例今列歷代名臣於前餘分良吏歷史循吏

晉宋書文學依歷史文苑文藝篤行依歷史獨孝友晉書孝友歷史

多作忠義依歷史一行依新五代史其舊列風節各門概行

移併惟歷史文武向不同傳而耆舊錄與先賢傳同

例故武功耆德二門并沿其舊至隱逸方技劉志以

爲皆沽名者所爲概置不錄李志因之但士各有志  
人各有能此二傳必不可少故依史例增入其婦女  
則另立列女專門以示區別

一 人物傳歷代名臣用史家列傳例良吏以下用彙傳  
例祖孫父子兄弟同入志者用合傳例其雖係一家  
而志行各別者用自有傳例所就有大小者用附傳

例或父附子傳或子  
附父傳祖孫同例子孫雖不應入傳而能世其家

者子生監以上  
孫舉貢以上用牽連得書例其兩傳交涉者用互

文見義例



一史傳論贊並列始自范蔚宗後漢書史記有論無贊  
故小司馬作索隱更爲述贊以補之今縣志雖小亦  
一邑之史也故於人物各傳均系以有韻之贊不惟  
歌詠休烈亦以綜括生平其別有新義非贊能明者  
更爲論以發之

一舊志於人物不著年代藝文不分門目遂致先後失

序紊亂無章今人物以年代爲先後

並著里居藝文以體

製爲區分至誦詩讀書尤貴知人論世故藝文中併  
著其人之年代爵里以備參考

一李志於劉志所採藝文強半刪汰而續增者甚屬寥寥且其文多無足錄今合兩志藝文詳加甄核無論此採彼刪彼闕此增但有關本色制度沿革宦績名勝如果其文可取悉爲編入儻文無足取卽行芟除其有二志并遺見於省志府志及諸家文集者一併補錄甯邑數百年間作者不乏而地僻艱於授梓多致散佚深爲可惜今廣爲搜羅約略登載庶幾文豹之一斑

一劉志不載墓碑意謂子孫之稱揚祖父未必盡實也

乃獨取王筠之碑以爲重孝此殊未然如果碑不足據則筠之孝行安知非孫傳諛墓之文是自亂其例也甯邑一隅之地其事蹟獲登國史者蓋亦無幾非金石之文後世從何徵信今於各門頗採碑碣未敢拘泥前例

一版宇分割代有不同要以今縣境至爲準有前代賢豪當時系籍他縣而實隸今縣境內者一併登載仍於各條下注明

一是編竭年餘之力旁搜博採悉心纂錄較諸前二志

似爲該洽但見聞有限恐疏漏仍所未免糾謬補遺  
是所望於後之大雅君子

續修凡例六條

一此次修志以咸豐初重修之志爲藍本仍舊者十之七增新者十之三雖中隔三十年而總纂出於一手應以舊志爲前志新志爲續志

一續志體例多因前志而有酌改者前志誤而今志改

正者也沿革考各條之類有酌補者前志佚而今志補入者

也官師人物各有之有酌刪者前志錄存而今志刪除者也

明田賦之類此皆咸豐以前之事與人也其咸豐以後之

事與人則前志未及而今增者均於各條下標明以

便檢閱

一 關廟舊列祠宇今奉部議列入中祀 三公封王  
增定樂舞直與 文廟無異雖廟制未備而曠典亟  
應表章以俟他日之遵奉是以別立武廟專門列置  
文廟之次

二 續志門目悉沿前志而團練村堡軍功三門則舊無  
而今有以及築堡禦寇記錄入藝文修城厯案詳列  
建置忠義一門前志人數無多今志實繁有徒良以  
軍興以來有關地方之安危人心之鼓勵者惟此數

大端是以特書於冊說詳後跋及各條內

一前志人物各分門目閱今三十年續應入志者正不乏人其增立各傳自應分別列於各門目之次標明續增以清界限內有祖父已列前志子孫復入續志者仍彙入續增各傳中但於傳首標明祖父已列前志以彰世美

一藝文多仍前志間取有關本縣政治風土人物而其詩文雅有體裁者約選增入惟前志所載生祠及去思碑之類乃前明俗例文亦多涉應酬不足資考證

今槩行刪除仍附書於官師表各令長之下其碑刻  
尙在者并存其目於金石門中

凡例終



續志總目

卷一

疆域 疆域表 歷代沿革表 歷代沿革考

卷二

星野 山川 泉 溝

卷三

官師 秩官表一 秩官表二 汎官錄

歷代秩官表一 歷代秩官表二

卷四

藩封 歷代藩封表 孟氏世系表

監司 守道表 分司表

卷五

建置 城池 衙署 書院新 典武館舍 儲備 振郵 廢署

隄堰 汛防 馬政

續增 村堡 團練

卷六

里社市集 附 社倉 社學 物產 風俗

秩祀 壇廟 祠宇

卷七

田賦

戶口

田畝

起解

存留

附雜稅

鹽法

卷八

學校

廟制

位次

祭典

諸圖

諸祀

文廟考

禮器考  
樂器考

舞器考  
祭器考

學制

武廟

新增

卷九

選舉

薦辟表

科目表

三等貢錄

五等貢錄

文職錄

武職錄

封贈錄

廕敘錄

軍功錄 續增

卷十

古蹟 金石 寺觀 坊表 塋墓 灾祥

卷十一

官績傳

卷十二

人物 列傳

卷十三

良吏傳 文學傳 武功傳 忠義傳 附孝義

卷十四

篤行傳

卷十五

孝友傳 耆德傳 一行傳 方技傳 隱逸傳

卷十六

列女傳 賢淑 貞女 節婦 烈婦 孝女 續增 殉難婦女

卷十七

藝文一

御製詩八首

藝文二 奏牘三首

卷十八

藝文三 記上二十八首

卷十九

藝文四 記下十六首 序十一首

卷二十

藝文五 傳十六首 論三首 議一首 說三首

辨三首

卷二十一

藝文六 銘一首 贊六首 頌二首 箴二首

書二首 祭文二首 碑文十四首

墓表二首 跋五首 駢體四首

卷二十二

藝文七 賦九首

卷二十三

藝文八 五言古詩四十一首

七言古詩二十六首

卷二十四

藝文九 五言律詩五十八首

七言律詩一百六首 五言絕句十首

七言絕句五十五首 五言排律五首

藝文十 詩餘四首 續增

總目終



甯陽縣志卷一

疆域

疆域表

皇清

甯陽縣

屬兗州府

編戶三十

五里

在府治北五十里東六十里至泗水縣  
 界至縣治九十里南二十里至滋陽縣  
 界至縣治五十里西四十里至汶上縣  
 界至縣治六十里北五十里至泰安府  
 之泰安縣界至縣治一百一十里東南  
 二十里至滋陽縣界東北七十里至泰  
 安縣界西北三十五里至泰安縣界西  
 南一十五里至滋陽縣界東西廣一百  
 二十里南北袤七十里東北至布政司  
 治二百七十里北至京一千二百里

謹按縣名上一字與

宣宗成皇帝聖諱下一字相同先經欽奉嘉慶二十五年

聖諭中間避寫一畫一撇不從心字用昭敬慎道光三十年正

月二十七日

皇上御極之初

勅部臣詳議敬避

大行聖諱之典經禮部擬以安定靜康四字恭代

聖諱下一字奉

旨允准嗣經大學士耆英另議具奏欽奉

上諭前據禮部遵議

皇考大行皇帝聖諱下一字擬以安定靜康四字敬避今據大學士耆英奏稱天下省郡州縣名印以下一字誌徵祥者甚衆四海臣民藉獲嘉休似可仍遵嘉慶二十五年欽奉

諭旨中間避寫一畫一撇與

高宗純皇帝聖諱下一字避從止字之命意相合等語著照所請所有宮殿廟宇舊名及各省地方官名均著勿庸改易凡奏章文移援引宮殿地名遇下一字仍遵

聖諭中間避寫一畫一撇不從心字勿庸以安定靜康四字代寫非此概不准用仍應敬避欽此旋經浙江學政禮部右侍郎吳鍾駿奏稱府廳州縣名仍請以安定靜康四字恭代各省現用印信遇有

聖諱下一字者篆文中間仍從心字應酌易換鑄等語奉

旨交部敬謹議奏復經禮部奏稱宮殿地名應遵

前旨奉行勿庸另議至關防印信篆文自應避寫溯查道光元年送部改鑄者已有四百餘顆恐尙有未經改鑄者飭令查明一體送部換鑄等因奉

旨依議欽此洪惟我

皇上攬秩宗之詳議

納端揆之陳謨法

祖執中推

恩錫類昇嘉名之仍舊彰

景祚之維新戴

聲靈於

陟降下及偏隅均

福佑於垓埏不遺小邑自茲環闔有謚巾境無塵藉獲嘉休永

永靡極已

前志縣名上一字從一畫一撇  
續志通作甯按字典甯與寧同

等身系

疆域

四





戰國俱  
成入於齊剛於秦

平剛地邱俱屬秦泰山郡汝陽屬魯兩國漢同

東平國地邱屬濟北國汝陽屬魯郡

陽平郡鉅平屬秦泰山郡地邱屬濟北郡汝陽屬

地

疆域

魯郡魏復置剛屬東平郡

歷代沿革考 附辨誤

上古

少皞之墟 少皞金天氏都曲阜故魯地為少皞之

墟左氏所云命以伯禽封諸少皞之墟是也甯陽與

曲阜鄰

唐虞

徐州之域

夏殷竝因之

禹貢海岱及淮惟徐州謂東至

海北至岱南至淮也

西則以濟為界

顧炎武郡國利病書云

今之兗古之徐也蔡氏所謂岱南濟東是已凡岱南

州縣今屬兗者皆古徐域

尚書地理今釋今兗州所屬惟陽穀壽張屬古兗州

餘併屬

古徐州

辨誤

文獻通考以漢之泰山郡二十四縣為禹貢兗州地甯

陽剛鉅平蛇邱皆屬焉以漢之魯郡六縣為古徐州地

汶陽屬焉是岱南各郡縣分隸兗徐二境而甯陽剛鉅

平蛇邱汶陽併為今甯陽縣地乃兩有所屬也又以隋

之魯郡十縣唐之兗州十一縣宋之襲慶府七縣俱屬

古徐州龔邱併屬焉按龔邱即漢甯陽鉅平各縣地安

得自漢以來分屬兗徐至隋以後乃專屬徐乎貴與通  
博鉅儒撰述必有所據但以地形考之實亦未可盡信  
且貴與旣以春秋之齊國南境屬兗魯國屬徐則岱南  
縣邑之舊爲魯地者仍當屬徐不屬兗也

通考又以任城龔邱爲兗

州界  
尤誤

周

魯邑 甯陽在汶水之南地鄰曲阜全境皆魯甸也

但春秋以前邑名未著故以魯邑統之

皇輿表甯陽周青州地

### 附錄

謝 羅泌路史云宣王支子是為謝侯盟會圖云

謝城堯之龔邱與姜任二謝異

謝侯封壤不見經傳長源嗜古博洽

必有所據 又史記正義故謝城在龔邱縣東七

十里齊歸魯龜陰之田以謝魯魯築城於此以旌

孔子之功因名謝城說與路史異 按風俗通義

姓氏篇周宣王支子食采謝邱因以為氏太平寰

宇記乾封縣謝過城有汶陽田齊以此歸魯謝過

故有城存合二書參之舊說是寰宇記所云即史

記正義之故謝城路史所云即風俗通之謝邱莫

定其是二是一也良以既非通都大邑又代遠年

湮是以傳聞異辭

紀載亦錯出互

### 東周

闡

公羊作憚

水從汶出曰闡爾雅作澗即洸水魯以水

名邑也亦曰剛父

郡志剛縣春秋謂之剛父似本春秋入歸杜注及續漢志成縣劉注

劉注亦本杜說元凱所云當是晉縣何以晉書有剛平而無剛父水經注說文繫傳引杜注俱作剛縣不

曰剛父

續漢志剛縣注引

漢於此置剛縣班書地

杜注闡在剛縣北有闡鄉

理志注剛故闡應劭曰春秋取謹及闡今闡亭是也

故城在今縣東北三十五里

詳見後文併古蹟

成 故杞田左傳昭七年晉人來治杞田季孫將以

成與之是也不知何時入於魯界在北鄙春秋襄十

六年齊侯伐我北鄙圍成是也又為孟氏采地公斂

處父所謂成孟氏之保障是也漢廢入鉅平縣故城

在今縣東北九十里猶有北鄙村詳見後鉅平條下及藝文成邸辨

曲池公羊作毆蛇魯邑春秋桓十二年公會杞侯莒子

盟于曲池杜預云地在魯國汶陽縣北預音人所云魯國汶陽縣

者乃音與圖實此沿漢舊他倣此地當在成之西闡之東汶水之南

漢於此置汶陽縣故城在今縣東北五十里汶水上

詳見後文併藝文汶陽說

謹魯邑春秋桓三年齊侯送姜氏于謹路史云或

云謹兜國杜預云濟北地邱西有下謹亭說文作鄩

路史又云鄩一作謹在鉅平水經地水經下謹城南



卽謹水也今冀邱文獻通考冀邱注云隋縣有謹水則謹乃虵水別名猶闡之以水名邑也

鑄 國名武王封堯後於此左傳臧宣叔娶于鑄漢於此置虵邱縣路史云鑄故侯爵堯之冀邱治故虵

邱有鑄鄉

廣記云冀邱春秋遂鑄二國地

遂 國名春秋莊十三年齊人滅遂路史云虞後商人置之遂京相璠云在虵邱東北十里字書作隧今堯之冀邱有虵邱城西北十里有隧鄉漢隧縣

辨誤

後漢郡國志虵邱有遂鄉有下謹亭有鑄鄉城舊志以

今縣為漢虵邱縣境故謹鑄遂並列於冊與路史亦合

但考漢虵邱縣地大抵錯出於今甯陽泰安肥城三縣

之間即隋以後之龔邱疆域亦不甚相遠下謹城水經

注云俗謂之夏暉城泰安縣志以為即今夏暉村鑄鄉

城在今肥城縣南杜預云即漢虵邱縣治遂國故城水

經注云在虵邱西北史記魯莊公獻遂邑以平是遂國後為魯邑其地在今泰安境顧亭

林以為故城在今甯陽北按今均不隸今縣境內詳見甯陽二邑間不聞有此故城後文

戰國

剛 春秋哀八年齊人取謹及闡冬十有二月齊人

歸謹及闡是闡入於齊旋歸於魯其何時復入於齊  
更名曰剛莫可考已赧王四十六年秦使客卿竈伐  
齊取剛剛之名始見於此至是遂爲秦取

成 仍魯邑威烈王十八年齊田和伐魯取成蓋自  
是始入於齊 按闡剛成曲池皆魯邑在今甯陽之  
東北境其謹鑄遂各邑則在今甯陽之西北境但古  
者建邦啟土區天下爲國區國爲邑地方百里爲千  
乘之國方十里爲百乘之家孟獻子食采於成而孟

子以爲百乘之家卽獻子亦自云百乘之家是成之  
大不過十里也成爲巖邑褊小若是餘可類推雖鑄  
遂舊爲建國而葛爾微區今已大半割隸泰安肥城  
其犬牙相入於縣境者所餘無幾計數邑尙未足當  
今縣之半但其他邑無可考耳卽如左傳襄十六年  
齊圍成孟孺子速徼之齊師退速遂塞海陘而還又  
哀十五年仲孫薳伐成不克遂城輸一則塞之以衛  
成一則城之以逼成是海陘與輸距成密邇其俱在  
今縣境內無疑但無從指定其地之何在春秋之末

至於戰國剛入於齊後入於秦迨魯頃公二十四年  
爲楚所滅則餘地併入於楚矣

秦

屬薛郡

縣名  
無考

前漢

甯陽 甯山名高帝於山南置縣故曰甯陽屬泰山

郡後封魯共王子節侯恬於此爲侯國

辨誤

元韓珪甯陽歷代沿革記

見藝文

西漢高后以兗州爲魯

郡改置泰山郡東漢立任城國易為東平國甯陽屬割

屬焉又曰桃鄉光武破龐萌於桃聚是也云云桃鄉在今東平

州境內後漢書劉永傳注桃鄉故城在今兗州龔邱縣西北故韓記誤以為今甯陽此大誤也按

前漢諸侯王表孝惠七年初置魯國高后元年七月封

魯元公主子張偃為王地理志魯國注云故秦薛郡追

張偃失王後景帝遷淮陽王餘為魯王是為魯共王魯

乃國也非郡也且屬豫不屬兗也泰山郡置自高帝見

地理志屬兗州不聞置自高后更非以魯郡改置也文獻通考

高后更秦薛縣為魯郡及泰山郡與地理志俱不合且誤以薛郡為薛縣魯國為魯郡殊不足據元時此書始

出故珪踵其說也

東平故梁國景帝分爲濟東國宣帝改爲東

平國後漢因之章帝元和元年始分東平爲任城國是

東平置自前漢任城置自後漢分東平爲任城非易任

城爲東平也甯陽本屬泰山郡後割隸東平國未嘗屬

任城也

玉海漢中興郡國篇東平改屬壽張須昌甯陽之三邑而分三邑爲任城

桃鄉前漢

侯國後漢廢入任城故續漢志云任城本任國有桃聚

注云光武破龐萌於桃鄉自入任城甯陽自屬

東平正自兩不相涉也

鉅平

故魯成邑以上二縣竝高帝置屬泰山郡

說見

前  
後

辨誤

舊志云故鉅平城在故成城南此大誤也杜預云成在

鉅平縣東南何得云鉅平在成南乎考今縣東北七十

里太平村有舊城基周數里三角尙存此故鉅平城也

不知何時變鉅稱太

按宋有進士姜潛奉符縣太平鎮人近得元至大元年義勇武安王

廟碑教授史謚撰文云泰安州治南三舍而近有鎮曰

太平乃漢鉅平之故墟並列敘巡檢張君藺君劉君粘

合公末系尾云太平鎮巡檢尹政立石則是宋元以來

已變鉅平而稱太平並置鎮立巡檢司其地久入泰安

至明始罷巡

檢改隸縣境汶水從東北來水經注所云汶水又南逕

檢



鉅平故城東而西南流者也城之東北十里許有汶河

古渡卽所云城東有魯道也汶北有文姜城卽所云上

有文姜臺也

泰安縣志云鉅平故城在大汶口東北而引魯道文姜臺爲證東西易位其誤甚明

舊志所云縣東北九十里之故成城土名故城村距太

平村約二十里正直東南卽杜預所云成在鉅平縣東

南者也當名故成俗譌成爲城也又括地志故成城在

兗州泗水縣西北五十里魯孟氏邑也今故城村正直

泗水縣西北與括地志亦合太平故城兩村間至今爲

由泰安赴曲阜必由之路乃齊魯之交當日魯都曲阜

而汶陽之田已入於齊故齊師入境成當其衝公斂處  
 父所謂無成齊師必至于北門者也又列子云孔子遊  
 泰山見榮啟期於成之野蓋孔子由闕里登岱必取道  
 於此通志以故成城當故鉅平城殆未之深考也又前

漢地理志鉅平有亭亭山祠史記索隱應劭云亭亭山  
 在鉅平北十餘里今汶水之陽文姜城北數里有云亭

山小而峻卽古亭亭山

宋真宗大中祥符戊申封山神  
 爲廣禪侯十一月四日遣直史

館姜嶼致祭有碑記文字剝落不全考是年爲大中祥  
 符元年十月封泰山禪社首十一月過曲阜謁孔子祠  
 因亭亭爲古禪祭名山故崇封遣祭也曰廣禪者由社  
 首而推廣也至今汶水經山之陽 史記封禪書周成

王封泰山禪社首應劭云山在博縣晉灼曰在鉅平南  
十三里按應晉二說不同若如晉說則社首應在汶水  
之南今甯陽境然則鉅平故境當在今甯陽泰安之間  
內然不可考

亦如蛇邱之錯入肥城也

漢武帝紀元封元年封泰山禪梁父除所至民田租賦有

博奉高梁父蛇邱而無鉅平則知鉅平在諸縣之南去泰山稍遠為蹕路所不經也

剛故魯闔邑戰國名剛入於秦漢置此縣蓋沿秦

舊也

說見前後

蛇邱

蛇通作蛇顏師古曰音移

故鑄國有蛇水魯於此置蛇淵園

漢因以名縣

說見前後

汶陽故魯曲池地在汶水南高后別置此縣以益

魯國 詳見藝文  
汶陽說

春城 侯國班書王子侯表有春城侯允東平煬王

子而地理志不載春城蓋偶失之此地應屬大河郡

後隸東平國舊志云故城在今縣西北三十里汶水

之陰 說併  
見後

後漢

甯陽 前漢侯國王莽改曰甯順光武復舊屬東平

國

辨誤

前漢書夏侯勝傳初魯共王分魯西甯鄉以封子節侯

別屬大河大河後更名東平故勝為東平人按節侯名

恬魯共王子封甯陽侯見王子侯表共王都曲阜甯陽

在其西故曰魯西鄉乃陽之誤也共王子無封甯鄉侯

年封孔永為田鄉侯又地理志東平注云故梁國景帝

中六年別為濟東國武帝元鼎元年為大河郡宣帝甘

露二年為東平國是前漢武昭間甯陽別屬大河郡宣

帝建為東平國甯陽因而屬之並非至後漢始改屬東

平國也惟地理志東平屬縣七無甯陽則紀載之偶失

亦猶春城侯國僅見於王子侯表也是時河決瓠子汎郡十六至元封二年始塞東平七縣正當其衝故以大河名郡耳

剛 前漢舊縣王莽改曰柔光武復舊

鉅平 前漢舊縣仍屬泰山郡

地邱 前漢舊縣和帝永元二年與剛俱改屬濟北

郡

汶陽 前漢舊縣王莽改曰汶亭光武復舊仍屬魯

國

春城 廢 按甯陽本漢舊縣而今之甯陽則錯出於鉅平汶陽剛地邱春城數縣之境大抵鉅平在東稍西爲汶陽又西爲剛又西爲地邱爲春城皆今縣之北境介在汶河南北之間至甯陽則在甯山之陽爲今縣之南境其地東連魯今曲阜西接平陸今泗水南鄰瑕邱今滋陽北通鉅平諸縣犬牙相入無復限以名山大川遂不可得而考矣

### 三國

屬魏 甯陽屬東平國見皇輿表據水經當有剛蛇邱汶陽三縣但不詳所屬

晉

甯陽 省併

剛平 漢剛縣改屬東平國

鉅平 仍屬泰山郡

蛇邱 屬濟北國

汶陽 屬魯郡以上三縣併沿漢舊 西晉之末兗

州全境淪於石勒

愍帝建興元年

復歸於晉

元帝建武元年

又陷於

燕

帝奕太和元年

旋入於秦

太和七年

遺黎南渡元帝僑置兗州

寄治京口後徙治廣陵復置泰山東平等郡為南兗



州領縣亦有地邱

屬南東平郡

雖仍舊名實非故地迨宋

武帝平河南

太元九年

兗州徙治滑臺文帝元嘉中又徙

治瑕邱其時有南兗州承晉之舊也有兗州則平河

南後復充之舊境也

南朝

宋

無鹽

僑置屬陽平郡

舊志云宋大明元年復分

置縣故甯陽城北七十里名曰平原亦僑置也云云

此誤也按平原漢郡縣本隸青州宋書州郡志平原

屬陽平郡大明中立蓋陽平本漢之魏郡地

魏始置郡晉因

之

隸司州宋時已入北魏元嘉中流寓來屬乃僑置

於無鹽縣境元城為舊陽平治所故寄治無鹽

故城在今

東平州南

三十里州郡志記載甚明而魏書地形志平原注

云劉駿置魏因之有苦城鉅野澤其地距甯境殊遠

惟元城注云有甯陽城則宋時甯陽已省入元城實

則併入無鹽並未僑置平原也是時甯陽剛平並省

東南境地遼闊迭更兵燹士民流散故僑立元城以

撫遺黎不久即省魏乃移平原於此又九域志云縣

境有謹水則蛇邱亦當併入矣

鉅平 仍屬泰山郡

蛇邱 仍屬濟北郡

汶陽 仍屬魯郡以上三縣併沿晉舊

剛平 省併

北魏

平原 僑置屬東陽平郡

鉅平 仍屬泰山郡 地形志注云治平樂城有鉅

平城蓋縣名雖仍漢晉之舊而城則移建所云鉅平

城則漢晉以來舊治水經注所謂鉅平故城者

地邱 屬東濟北郡

汶陽 仍屬魯郡 地形志注云有汶陽城蓋是時

已移建新城如鉅平例水經注所謂汶陽故城卽此

注所云汶陽城也以上四縣併沿宋舊

剛 漢舊縣晉曰剛平宋省至是復立屬東平郡地形志注云治剛城蓋仍治故城也

北齊

平原 沿魏舊元和志高齊文宣帝移置平原於漢

甯陽城北十七里

舊志似本於此而即今理唐避高宗諱以

理代也按僑置平原實始於北魏高齊因之更移治

所耳

隋

龔邱 故北齊平原地開皇十六年改

以與德州見平原同名

隋書地理志注屬魯郡 據隋志是平原實即今甯

陽地與魏地形志亦合鉅平各縣北齊以後沿革無

考按齊文宣天保七年併省州縣各縣或已併入鄰

境惜北齊書紀載未詳至隋則第有龔邱之名而鉅

平剛地邱各縣併廢

移汶陽理魯城旋改爲曲阜非漢舊縣也

唐

龔邱 沿隋舊屬兗州

辨誤

韓珪沿革記唐初平徐圓朗之亂改甯陽爲龔邱此亦大誤也龔邱隋縣何得云唐初始改甯陽漢縣晉以後久廢至金始復乃云改甯陽爲龔邱乎

五代

龔邱

沿唐舊屬兗州

歐陽史云山川職方之掌

五代時短無所遷改孟知進石碣漢隱帝乾祐三年  
置稱兗州冀邱縣則知五代因唐之舊也

宋

冀 初沿五代仍名冀邱大觀四年避 宣聖諱改  
名冀屬冀慶府 按宋冀縣治卽今邑城舊志云始  
築土城誤也元和志云高齊移平原於漢甯陽城北  
十七里太平寰宇記作後魏餘並同是宋沿齊隋之  
舊無復移置也二書又云隋開皇十六年以與德州  
平原同名遂改冀邱以縣東南二十里有古冀邱城

云云

曲阜縣志通編晉武帝泰始二年復以魯縣為魯郡治仍隸豫州部屬縣六一日龔邱據此則

龔邱始於晉但考晉書蓋今之古城乃漢之甯陽城魯郡但有公邱無龔邱

今之縣城即齊隋之平原龔邱城而縣東南之半城

則古龔邱城也

詳見藝文甯陽龔邱兩故城說

金

甯陽 初沿宋舊仍名龔大定二十九年避顯宗諱

復漢舊名甯陽屬兗州 新得譚公能吏碑乃金秦

和元年為邑人譚洪立舉人張涇撰文其文冗散不

足錄但云甯陽闔境萬五千戶碑陰臚列各村有馮



召今爲大幸召今爲新又有南北落星南義夏戴三

槐樹村

樂寺村

埠胡村泗望石梁臨邑張徐戴村等俱隸今縣境內

村名未改別有濁頭孝門西徐三村乃在汶水之北  
隸今泰安之西南境足徵金承宋舊縣境視今加拓  
也

元

甯陽 沿金舊至元二年併入嶽陽鄉二十三年爲

甯陽鎮立巡檢司大德元年復置縣屬兗州隸濟甯  
路爲元勛宏吉刺氏分地 按元史地理志甯陽至

元二年省入岷陽大德元年復置又成宗紀大德元年升甯陽鎮爲縣隸濟甯路而於何時爲鎮立巡檢司則無可考惟韓珪沿革記言之頗詳蓋珪於歷代沿革無一不誤而以元人言元事則固信而有徵也然是時縣僅八社福小已甚新得元彈壓甯義碑以爲奉符縣賢村保泗望村人又得元承信校尉武進碑亦以爲奉符人按賢村泗望等村名至今隸縣境未改而武進爲縣之西高村人墳墓後裔在焉乃當時俱入奉符

今泰安

故李伯貞分撥縣界記見藝文以爲

郭門之外俱隸別邑蓋亦幾幾無以自立矣 再考  
金元之際乃甯陽一大厄也譚碑立於泰和元年爲  
金章宗改元之初是時金勢已衰元兵漸逼下距宣  
宗貞祐二年遷汴僅十五年又二十一年爲義宗天  
興三年甲午而金亡沿革記所云乙未年詔郡縣定  
編氓者卽元太宗七年滅金之次年也所云壬子乃  
憲宗二年上距乙未十六年又上距金泰和元年共  
五十三年乃以一萬五千戶之舊境僅餘四百八十  
戶不復成邑蓋其間兵燹疊更遺民幾盡迨後復升

爲縣又以爲宏吉刺氏分地陪臣爲達魯花赤

譯言掌印

官也元制達魯花赤掌印信縣尹判文案

其羣屬有錢糧人匠鷹房軍民

軍站營田稻田煙粉千戶提舉等官其五戶絲金鈔之數濟甯路共以三萬戶計甯陽一隅之地役煩賦重故凋瘵殘黎競逃入奉符汶上二縣爲息肩計其不逃入滋陽曲阜等縣者以其同屬宏吉刺氏也委小民於勛戚任其苛虐而不之恤乃至民離鄉井邑失版籍亦曾不過問政之不綱甚矣

明

甯陽 沿元舊屬兗州府初所管止八社洪武二年

始於泰安復歸故成等四社汶上復歸西黃等五村

戶口漸增土宇亦加拓焉蓋卽今之縣境也

詳見分撥縣界

記

謹按甯陽雖沿漢舊縣之名實則犬牙相入於鉅平汶

陽剛地卑春城數縣之境又有成曲池閘謹遂鑄故壤

錯互其間故疆界溷淆莫辨惟北臨汶水爲大川則不

隨郡縣更改者雖其經流漸次南徙而故道未甚懸殊

竊於水經注得其厓略焉考水經云汶水出泰山郡萊

燕縣原山西南過其縣南又西南過奉高縣北屈從縣

西南流過博縣北奉高博皆今泰安此汶之上游與甯陽無涉注云汶水又

西南逕龍鄉故城西在泰安縣東南五十里又西南逕陽關故城

在泰安縣東南六十里本鉅平之陽關亭注又云淄水逕郿縣北

左傳成人伐齊師之飲馬於淄者即此漢高帝六年封

董濞為侯國濞所封成國屬涿郡見胡三省通鑑注春

秋齊師圍郿此所引乃昭二十六年傳非莊八年經下

也但上云一淄水又西逕陽關城南陽關城南則陽

關在西流注於汶水汶水又南逕鉅平故城東說見前

元北魏人是時鉅平徙治平樂城此注又云汶水又西云故城乃漢故城即今西太平村

南逕魯國此謂漢之魯國汶陽縣北漢章帝元和二年東逕泰

山立行宮於汶陽世謂之闕陵城前漢武帝封泰山乃由東海而南故鉅平

不當蹕路後漢章帝登泰山乃汶水又西逕汶陽故城

北而西注是時汶陽已移建新城此云故城乃漢故城也經又云又西南過蛇

邱縣南注云汶水又西洸水注之禹貢雖指引水經注作出焉又西

逕蛇邱縣南有鑄鄉城前云汶水逕汶陽縣北又云逕汶陽故城北則汶陽在汶水南

此云西南過蛇邱縣南又云西逕蛇邱縣南則蛇邱在汶水北界限甚明鑄鄉為漢蛇邱治所則其地雖錯入

甯陽而故城不在經又云又西南過剛近刻譌縣北今縣境內可知在

汶南今故剛城是注又云汶水又西蛇水注之水出東北泰山

故剛城正直西南流逕汶陽之田在汶水北乃魯汶齊陽田非漢汶陽縣

所侵也蛇水又西逕鑄鄉城西左傳所謂蛇淵圉也據

則因甯陽有蛇眼泉輒傳故京相璠曰今濟北郡有蛇會以為古蛇淵圉者非是

邱城城下有水魯圉也俗謂之濁須水非矣今泰安西南境有水

入汶俗稱濁河似即此水蛇水又西南逕夏暉城南經書公會齊侯

于下謹是也今俗謂之夏暉城今汶北泰安境內有夏暉村正與汶南剛城相

直剛故闡邑春秋齊取謹及闡蓋二邑接壤齊取之則自北而南也蛇水又西南入汶汶

水又西溝水注之水出東北馬山應在今泰安西南流境內惜無考



逕棘亭南春秋成公三年叔孫僑如圍棘左傳曰取汶

陽之田棘不服故圍之南去汶水八十里路史亦云魯棘在汶北

又西南逕遂城東地理志曰蛇邱遂鄉故遂國也今城

在蛇邱西北又西逕下謹城而入汶水又西逕春亭北

考古無春名按秦初置郡縣古邑多改鄉亭闡曰闡亭陽關曰陽關亭之類是也王莽亦多改漢

縣為亭汶陽曰汶亭桃鄉曰郭亭之類是也春亭必古春城舊壤乃曰古無春名似亦未深考惟平陸

縣有崇陽亭東去剛四十里譚公碑系尾云甯陽縣春亭鄉春城里辛召村劉定

等立石春亭之名與水經注合又汶河舊有春城口譚碑並云金大定二十六年汶水決春城十餘里則春城

春亭皆古地名經又云又西南過東平章縣南又西南至金猶未改也

過無鹽縣南

章無鹽皆今東平境

又西南過壽張縣北又西南至

安民亭入於濟

此皆汶之下游與甯陽無涉

蓋水經注之紀汶水大

槩如此綜而覈之汶水發源萊蕪其流則由東北迤邐

而趨西南上游下游姑不具論中間由龍鄉城逕亭亭

山而入鉅平境又逕陽關城與淄水會而南逕鉅平故

城東是即今甯陽之東北境也又西南逕汝陽縣北又

西逕汝陽故城北而西注又西南過蛇邱縣南與洸水

會又西南過剛縣北又西逕夏暉城南與蛇水會又西

與溝水會又西逕春亭北此皆汶水經由甯陽之故道

鉅平汝陽剛春亭在汝南應屬今甯陽者也蛇邱謹遂  
鑄棘在汝北不屬今甯陽者也洸由汝出南流是甯陽  
之水也蛇溝由北注汝非甯陽之水也魯甸壘更湯湯  
未改亦略可覩已

源前志印本初出適山右王霞舉駕部名軒僑寓甯城欣

賞此書許以博瞻詳明因而勘校四次於疆域一門辨  
證頗多駕部素精地理洵足以資考鏡茲就其朱墨覆  
加酌覈如於魯邑以爲闡當首列餘邑以次遞及於陽  
關以爲在泰安不在今縣於大河郡以爲是黃河非汝

水於南北朝僑置縣以爲應列無鹽於前次及元城而

平原僑縣應移列高齊皆確有可據應卽改從其說餘

與前志互有異同姑存勿論

其有駕部所未及而續行考訂足補前志之闕遺者

亦一併改正或兩存其說

以待異日之參稽年代遐渺桑海變遷一

地而先後殊名一城而東西異向地志諸家亦互有參

差自非閱覽精識未易折衷歸於一是也駕部自云有

所輯沿革一表頗明晰惜未之見

